



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex
Hebraica veritate in Latinum carmen obseruantissimè conuersi

Arias Montano, Benito

Antverpiæ, 1589

Psalm. LXXXIII. Deus quis similis erit tibi?

urn:nbn:de:hbz:466:1-44993

PSALM. LXXXII.

Deus stetit in synagoga deorum.
 PRINCIPVM EXEMPLI MALI
 REPREHENSIO.

Psalms Asaphi.

Carmen Dicolon Distrophon.

- 1 **C**onuentu DEVS imminens
 Adstat magna videns sceptrā potentiae;
 Iura ac iudicibus sua
 Exercet mediis, puraque vindicat.
- 2 Vobis quis fuerit mali,
 Pravi ac iudicij quis pudor, aut modus?
 Quem finem faciet fauor,
 Quo lata improbitas vsque fouebitur?
- 3 Quin pupillus & indigens
 Pauper cum misero iustitiae suae
- 4 Certo vindice gaudeant,
 Dum vos iudicium cernitis integrum;
 Vos defendite & integram;
 Vos fauis tenues eruite improbis.
- 5 Isti munera nesciunt,
 Nec pondus reputant officij sui;
 Obscuris penitusque eunt
 Errorum tenebris; quamlibet omnia
 Nutent cardine proruto
 Fundamenta, quibus terra grauis cubat.
- 6 Omnes vos ego dixeram
 Et natos superi principis & deos:
 7 At vos mors manet illa Adam
 Et casus similis principibus feris.
- 8 Surge, atque arbitrio DEVS
 Terram corrigito ac terrigenas tuo:
 Nam tu prouidus omnium
 Haeres regna tenes iuraque gentium.

PSALM. LXXXIII.

Deus quis similis erit tibi?
 DEI VINDICIS ET MISERI-
 CORDIS INVOCATIO.

Canticum Psalms Asaph.

Carmen Dicolon Tetrastraphon.

- 1 **N**E surdus taceas, neu sileas DEVS,
 2 **F**ORTE M nulla quies te teneat precor,
 1 4 3 Hostes

- 3 Hostes ecce tui nam fremitu improbo
Tendunt tollere verticem.
- 4 Occulta hi populum consilia in tuum
Iungunt, atque tuos callida in intimos;
- 5 Aiunt, Huc agite, ac scindere stirpibus
Imis hos simul vndique
Pergamus, genus hoc funditus viuat,
Nec vltra soboles nomen & Israël
Dicatur potius viuere, nec memor
Quisquam hoc enumeret genus.
- 6 Vno corda animo conciliant simul
In te polliciti foedera iungere,
- 7 Quotquot castra, & Edom continet efferus,
Et quotquot vagus Ismael.
Moabi soboles cumque Hagaris grege,
8 Ghebaliq̄ue domus, Ghamonis & genus,
Durus queis Ghamaleq̄ iungitur, & Tyrus,
Infesta & Peleseth nimis.
- 9 His iuncti Assyrij brachia fliis
Loti firma parant; vsque etenim valent
- 10 Hi, quondam vt tumidus Sisara, concidant
Fac, & ceu Madian ferox:
Qualemq̄ue herbiferis vallibus impium
Viderunt Iabinum flumina Kisonis:
- 11 Lætamenque olidum caesa dedit manus
Terræ quam Dojrus lauat.
- 12 Horum magnificos nempe dabis velut
Ghorebum, Zeebum, castraq̄ue Salmunagh:
Cunctos pone precor ceu Zebeam ferunt
- 13 Horum precipites duces
Ausos, pulchra quidem, dicere, Sors DEI
Nobis cedat, ager nos dominos beet:
- 14 Ceu vento stipula impellitur, hos age,
Ceu turbo pueris, DEVS.
- 15 Igni frondiferumq̄ue vt nemus vritur,
Vt flammæ altisonis montibus increpant;
- 16 Tempestate rue hos precipites tua
Sic, & turbine dissipa.
- 17 Totam fusus item hos per faciem pudor
IAE nomen agat quærere turbidos:
- 18 Pleni dedecore ac perpetuo ruant,
Turbati & pereant diu.

29 Sic te discere, sic noscere maximam
IAM, te poterunt dicere & vnicum,
Omnis terra tremens suspicit editi
Cuius numina nominis.

PSALM. LXXIII.

Quam dilecta tabernacula tua Domine virtutum.

SOLI DEO GRATI BEATI.

3 Ad præstantem super Gittith filiorum
Corahh, Psalmus.

Carmen Dicolor. Distrophon.

2 **B**ellipotens IAS tua quam tentoria diua
Digna coli sunt, dignaque amari.
3 Atria quam cupit hic animus, quam percipit, IAE:
Testatura caro mea corque est.
Quippe & ouas canet hæc caro, cui tum cõcinet hoc
Et **FORTEM** & viuum celebrabunt. (cor,
4 Inuenit passerque domũ & nidum sibi; hirundo hæc
Pignora deposuit sua, pullos.
Armipotens IAS mihi rex, Deus & mihi, vt aras
Ipse tuas cupio meditorque!
5 Felices quicunque tua versantur in æde,
Vsque & perpetuò celebrant te.
6 Quique homines sibi te robur posuere, beati,
Strata viasque in corde probatas.
7 Vallibus ingressi plorante vbi murmure fons est,
Cisternæ quoque & imbre recepto;
Imbre vt cisternæ testes rebusque secundis
Exudentque fluantque benignè;
8 Ex turba in turmam venient; **DEVS** inque Sione
Hos auctos virtute videbit.
9 Bellipotens IAS **DEVS** audi vota; precesque
VSQVE meas **DEVS** excipe Iacob.
10 **ODEVS** ð noster clypeus nos respice, Christi &
Gerne tui vultus faciemque.
11 Mille dies vnus vincit tua ad atria, tantum
Viuitur ille dies quoque latus.
Ipse mei optarim potius prope limina, vt hospes,
Esse **DEI**, tentoria quam si
Improba possessor nimis ac ditata tenere.
Atque frequentare integra posseti.